



Republika e Kosovës / Republic of Kosovo
Komuna - Municipality
Hani i Elezit



01/Nr. 4237/2023
Data: 16.05.2023

PROCESVERBAL I KUVENDIT TË KOMUNËS

Procesverbali nga mbledhja e katër -IV- e Kuvendit të Komunës, mbajtur me datë 27.04.2023 me fillim pune në ora 11:00 në sallën e Kuvendit të Komunës. Të pranishëm ishin: **Sevdi Dernjani** (Nënkryetar i Komunës), **Natyra Kalisi** (Drejtoresh e Administratës), **Kimete Kuka -Hasallari** (Drejtoreshë për Shëndetësi dhe Mirëqenie Sociale), **Nexhmedin Daci** (Drejtorja për Urbanizëm Kadastër dhe Mbrojtje të Mjedisit), **Lindita Ballazhi** (Drejtoresh për Buxhet dhe Financa), **Hisni Luri** (Drejtor për Arsim, Kulturë, Rini dhe Sport), **Arsim Dernjani** (Drejtor për Shërbime Publike dhe Emergjencë), **Abduraman Bushi** (Drejtor për Bujqësi, Pylltari dhe Zhvillim Rural), **Sara Berisha** (Asistente e Kryesuesit të Kuvendit të Komunës), **Rezart Mehmeti** (Përfaqësues i OSB-së). Kryesuesi pasi konstatoi prezencën e anëtarëve të kuvendit, konstatoi se nuk mungon asnjë anëtarë i Kuvendit të Komunës.

RENDI I PUNËS

1. Miratimi i procesverbalit nga mbledhja e kaluar.
2. Raporti financiar për periudhën Janar – Mars 2023.
3. Rregullorja për Menaxhimin e Mbeturinave në Komunën e Hanit të Elezit.
4. Kërkesa e znj. Hanushe Dernjani për ndërrim destinimin e pronës.
5. Informatë për ndarjen e bursave.
6. Raporti financiar për periudhën Janar – Mars 2023 i N.P.L “Pastrimi” sh.a.
7. Të ndryshme.

Kryesuesi thekson:- përveç pikave të rregullta të rendit të punës të cilat i kemi përcjell kemi edhe një pikë të rendit të ditës të cilën propozoj që të hynë në rend të punës, Propozim vendimin për ndarjen e mjeteve financiare për “Ditët e Kulturës dhe Festivalin Mbarëkombëtarë” 2023 në Komunën e Hanit të Elezit. Raporti i komisionit komunal përfundimtarë për vlerësimin e dëmeve nga fatkeqësitë natyrore dhe fatkeqësitë e tjera. Hapi diskutim për pikat e rendit të punës.

Sherif Berisha thekson:- në komitet për politik e financa i kemi shqyrtuar katër apo pesë pika të rendit të punës kurse në kuvend janë bërë afër dhjetë pika. Materialet po dërgohen me vonesë dhe materiali duhet të përcillet me kohë në mënyrë që si asamblistë të përgatitemi për pikat e rendit të punës. Kemi bërë kërkesë që mos të hyjnë pikat e rendit të punës në këtë formë por të shqyrtohen në KPF dhe të përcillen për kuvend. Vërejtje për këtë çështje keni si kryesuesi i kuvendit së bashku me të tjerët.

Zaim Bela thekson:- pika shitesë e rendit të punës për çështjen e kompensimit të dëmeve a duhet që të miratohet në kuvend dhe komuna me i kompensuar. Me sa e di unë komisionin e formon drejtoria e bujqësisë e jo drejtoria e shërbimeve publike. Komisioni e bënë vlerësimin dhe kërkesa dërgohet në Ministri përkatëse për kompensimin e dëmit.

Abduraman Bushi thekson:- kur janë shkaktuar dëmet në muajin shkurtë e kam përgaditur lëndën sipas Udhëzimit Administrativ të Ministrisë së Bujqësisë por kur i kam dërguar në Ministrinë përkatëse , mirëpo Ministria i ka kthyer dhe ka rekomanduar se nga një janari këtij viti për kompensimin e dëmeve nuk merret Ministria e Bujqësisë por një komision ndër ministrorë i formuar nga zyra e Kryeministrit që është pjesë e agjensionit të emergjencave të Ministrisë së Punëve të Brendshme. Procedurat i kemi zhvilluar sipas rregullores dhe e kemi përcjell në këtë formë në kuvend.

Hisni Luri thekson:- kemi planifikuar me mbajtur festivali dhe për atë e kemi përcjellë në këtë formë.

Kryesuesi thekson:- sa i përket vërejtjes që u dha për çështje të materialeve keni të drejtë. Mund të arsyetohet drejtori i bujqësisë për shkak se ka kërkuar Ministria por drejtoria e arsimit është dashur me kohë ta procedon por pasi që janë ditët e kulturës kërkoj që edhe kjo pikë të hynë rend të punës. Drejtoritë duhet të jenë më të arsyeshëm kur ta paraqesin ndonjë material në ditën e mbledhjes. A keni edhe ndonjë diskutim për rendin të punës, nëse nuk ka i hedh në votim pikat shitesë ; rezultati i votimit ishte njëzëri. Në tërësi e hedh në votim rendin e punës; rezultati i votimit ishte njëzëri.

U MIRATUA RENDI I PUNËS

Procedojmë me këtë rend të punës:-

1. Miratimi i procesverbalit nga mbledhja e kaluar.
2. Raporti financiar për periudhën Janar – Mars 2023.
3. Informatë për ndarjen e bursave.
4. Raporti financiar për periudhën Janar – Mars 2023 i N.P.L “Pastrimi” sh.a.
5. Kërkesa e znj. Hanushe Dernjani për ndërrim destinimin e pronës.
6. Raporti i komisionit komunal përfundimtarë për vlerësimin e dëmeve nga fatkeqësitë natyrore dhe fatkeqësitë e tjera.
7. Propozim vendimin për ndarjen e mjeteve financiare për “Ditët e Kulturës dhe Festivalin Mbarëkombëtarë” 2023 në Komunën e Hanit të Elezit
8. Të ndryshme.

1. Miratimi i procesverbalit nga mbledhja e kaluar.

Kryesuesi thekson:- a keni ndonjë vërejtje rreth procesverbalit, nëse nuk ka e hedh në votim; rezultati i votimit ishte njëzëri.

U MIRATUAR PROCESVERBALI NGA MBLEDHJA E KALUAR

2. Raporti financiar për periudhën Janar – Mars 2023.

Kryesuesi thekson:- për këtë pikë të rendit të punës hapi diskutimin.

Lindita Ballazhi thekson:- buxheti i miratuar për vitin fiskal 2023 është në shumë prej 3,349,715.00 €, në kategorinë paga dhe mëditje shpenzimi është në shumë prej 438,190.62 € apo 25.73 %, në kategorinë mallra dhe shërbime shpenzimi është në shumë prej 56,767.57 € apo 12.21%, në kategorinë ekonomike shërbime komunale shpenzimi është në shumë prej 20,428.74 € apo 21.17 %, në kategorinë ekonomike subvencione dhe transfere shpenzimi është në shumë prej 3,400.00€ apo 3.40 %, në kategorinë ekonomike shpenzime kapitale kemi shpenzuar 2,540.00 € apo 0.26 % . Totali i shpenzimit për periudhën Janar -Mars të vitit 2023 është në shumë prej 521,326.93 € apo 15.56%. Komuna e Hanit të Elezit ka arritur të arkëtoj gjithsejtë 43,749.54 € të hyra vetanake për periudhën janar-mars 2023 të planit të të hyrave vetanake, ndërsa në krahasim me periudhën e njëjtë të vitit 2022 kemi një rënie në shumë për 21,495.36 €.

Zaim Bela thekson:- faqe tre është një gabim teknik krahasimi i vitit 2022 me vitin 2023 për shkak se ke bërë diferencën mbi 60 000 € . Pagat dhe shtesat në këtë vit është në shumë prej 1 702 000 € ndërsa vitin e kaluar ka qenë 1756 000 €, kërkoj sqarim.

Lindita Ballazhi thekson:- çështjen e shumës që u përmend do ta kontrolloj sepse ka mundësi që mund të jetë ndonjë gabim teknik . Në kategorinë e pagave dhe shtesave kemi një ulje të cilën vetë e kemi kërkuar nga Ministria sepse në çdo vit ka shkuar në suficit kategoria e pagave dhe kemi kërkuar që të na rriten kategoritë e tjera buxhetore .

Sherif Berisha thekson:- në kategorinë e pagave dhe mëditjeve kemi rritje në përqindje prej 17.24 % kërkoj sqarim të dijes se pse është bërë kjo rritje. Në kategorinë mallra dhe shërbime në cilat drejtori është shpenzuar dhe për çfarë shpenzime bëhet fjalë, kategorinë ekonomike shërbime komunale cila drejtori ka shpenzuar shumë prej 8448 €. Shpenzimet e buxhetit për këtë tre mujorë investimet kapitale janë shpenzuar prej 0.26 % e mjeteve të parapara në buxhet dhe a mendoni që në nëntë mujorin që ka mbetur do të bëhet shpenzimi i buxhetit. A do të dëmtohem nëse bëhet falja e mjeteve financiare prej 100 € nga Ministria.

Lindita Ballazhi thekson:- shpenzimi më i madh në kategorinë e pagave ka të bëjë me hyrjen në fuqi të ligjit të pagave . Nëse krahasohet me tre mujorin e vitit 2022 shpenzimi është më i madh për shkak se në vitin e kaluar kemi pasur një alokim të buxhetit shumë më vonë, ndërsa në këtë vit prej muajit janar kemi filluar me ekzekutim të buxhetit . Shpenzimet komunale i ka administrata komunale , shkollat çerdhja si dhe sektori i shëndetësisë dhe duhet ta kemi parasysh se çmimet janë rritur . Shpenzimet kapitale ka të bëjë me një shpronësim por ende nuk kemi kryer ndonjë pagesë për projektet kapitale . Sa i përket shumës prej 100 € ende nuk kemi ndonjë informacion nga Ministria për këtë çështje dhe nëse kjo miratohet do të preken te investimet kapitale .

Refet Kalisi thekson:- shpenzimet për karburante në këtë vit janë në shumë prej 5131 €, ndërsa vitin e kaluar ishin zero zero. Te mirëmbajtja e rrugëve janë shpenzuar mjete financiare në shumë prej 7730.00 € por në këtë vit nuk kemi pasur të reshura të borës . Te shpenzimet kapitale janë në shumë prej 985 000 € dhe mbi 500 000 € i kemi prej të hyrave vetanake dhe a do të kemi mundësi që me i inkasuar këto mjete në mënyrë që mos me dështuar në projekte kapitale .

Lindita Ballazhi thekson:- vitin e kaluar shpenzimet për karburante ishin zero zero për shkak se alokimi i buxhetit ka qenë me vonesë dhe ekzekutimi i pagesave ka filluar me vonesë ndërsa në këtë vit është ndryshe sepse kemi filluar në muajin janar. Sa i përket rrugëve me bor ndoshta nuk ka pasur por shërbimet janë kryer dhe drejtori përkatës ndoshta mund të u jep sqarime më saktë. Sa i përket investimeve kapitale që u potencua shuma mbi 500 000 € nuk qëndron ashtu sepse vlera totale e investimeve kapitale për këtë vit është 985 392 € ku prej tyre 57 6471 € janë prej grantit qeveritarë të cilat janë mjete të sigurta , ndërsa prej të hyrave i kemi 408 921 € dhe do të bëjmë çmos për me i inkasuar këto mjete financiare edhe pse ndoshta të gjitha nuk mundemi me i inkasuar po të paktën 80 % me i inkasuar.

Arsim Dernjani thekson:- sa i përket rrugëve ne e dimë që reshje të borës nuk ka pasur po ka pasur punë të tjera dhe rrugët janë mirëmbajtur dhe kanë bërë pastrime të ndryshme. Është bërë krasitja e drunjve dekorativ.

Refet Kalisi thekson:- jam për me i ndihmuar kompanisë dhe punët të cilat kryhen ne të paguhen. Punët të cilat i vlerëson komisioni që janë kryer është mirë që edhe na me i ditur në kuvend.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA RAPORTI FINACIARË PËR PERIUDHËN JANAR –MARS 2023

3. Rregullorja për Menaxhimin e Mbeturinave në Komunën e Hanit të Elezit.

Kryesuesi thekson:- për këtë pikë të rendit të punës hapi diskutimin.

Arsim Dernjani thekson:- rregullorja i ka kaluar të gjitha procedurat dhe është përcjell për kuvend për miratim.

Zaim Bela thekson:- a keni marr ndonjë vendim për çështjen e mbeturinave të ngurta.

Arsim Dernjani thekson:- për mbeturinat e ngurta jemi duke u munduar me gjet një parcelë për shkak se kompania “Sharrcem” nuk pranon mi hedh atje.

Refet Kalisi thekson:- unë jam që të bëhet ngritja e çmimit por propozoj që ekonomitë familjare të cilët e kryejnë pagesën për tërë vitin është mirë me i subvencionuar sepse e keni cekur vetëm 10 % dhe propozoj që të jetë 20 % .

Sevdi Dernjani thekson:- ekzekutivi i komunës nuk e vendosë çmimin për kompaninë Pastrimi sa duhet të jetë por mund të vjen një propozim prej kompanisë pastrimi në kuvend dhe pastaj kuvendi vendosë për atë çështje . Ekzekutivi i komunës e ka kontraktuar kompaninë pastrimi për mirëmbajtjen e rrugëve.

Sherif Berisha thekson:- si Lëvizje Vetë Vendosi jemi kundër kësaj ngritje të çmimit dhe kemi kërkuar që të shqyrtohet vendimi që është marr në asamblë komunale që punëtorëve të kompanisë Pastrimi me ju ngrit paga për shkak se në miratimin e buxhetit që është bërë kësaj kompanie i kemi ndarë mjete financiar mbi pesëdhjetë mijë euro. Ne kemi kërkuar që të ketë auditim por deri më tani nuk ka ndodhë një gjë e tillë. Për deponit e ngurta duhet të bëhet zgjidhje për shkak se qytetarët nuk dinë ku me dërguar materialin e ngurtë.

Kryesuesi thekson:- unë mendoj se ngritja e çmimeve është paraparë edhe për ngritjen e pagave të punëtorëve. Për materialet e ngurta ekzekutivi e ka realizuar marrëveshjen me kompaninë “Sharrcem” te vendi i quajtur Llapor dhe ndër kohë e kanë ndaluar . Është një shqetësim si komunë dhe si qytetarë sepse është koha që qytetarët punojnë por do të mundohemi që përmes bordit lokal të Sharrcemit që brenda mundësive të na jë lejojë hedhjen e mbeturinave. Është mirë me ju përmbajtur rregullave që i ka kompania “Sharrcem” .

Resul Suma thekson:- më pëlqen plani afat gjatë që e kanë për klasifikim dhe riciklim të mbeturinave por për shkak që nuk ka raport financiarë dhe një analizë financiare se ku do të shkojnë mjetet financiare të cilat do të grumbullohen nga ngritja e çmimeve nuk do ta votojë.

Sevdi Dernjani thekson:- çështja e auditimit duhet të iniciohet përmes komisionit të aksionarëve direkt te bordi i kompanisë pastaj bordi te kryeshefi ekzekutiv i kompanisë. Komuna ka kontratë me kompaninë Pastrimi që i kërkon shërbime dhe kontratën mundëni me pas se çka përmban.

Sherif Berisha thekson:- në këtë drejtim nuk ka arritur mirëkuptim për atë e kam paraqitur në kuvend

Sevdi Dernjani thekson:- është rregullorja e cila i paraqet kompetencat e komisionit të aksionarëve dhe si asamblistë mund të ngritni çdo çështje në kuvend.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka propozimin prej 6.50 € e hedh në votim; rezultati i votimit ishte njëzëri, propozimin nga debati publik që është dhënë për ekonomitë familjare të jetë taksa 7 € e hedh në votim ; rezultati i votimit ishte njëzëri kundër. Në tërësi e hedh në votim rregulloren për menaxhimin e mbeturinave në komunën e Hanit të Elezit; rezultati i votimit ishte 13 për, 1 kundër , 1 abstenim.

U MIRATUA RREGULLORJA PËR MENAXHIMIN E MBETURINAVE NË KOMUNËN E HANIT TË ELEZIT

4. Kërkesa e znj.Hanushe Dernjani për ndërrim destinimin e pronës.

Kryesuesi thekson:- për këtë pikë të rendit të punës hapi diskutimin.

Abduraman Bushi thekson:- znj.Hanushe Dernjani ka parashtruar kërkesë për ndërrim destinim të pronës për ndërtimin e një ferme për rritjen e viçave për majmëri.

Zaim Bela thekson:-jemi pro që të japim pëlqimin për ndërrim destinim të pronës edhe pse këto kanë përfutur një grand prej Ministrisë së Bujqësisë dhe nëse ka kërkesa tjera duhet t'i miratojmë.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA KËRKESA E ZNJ HANUSHE DERNJANI PËR NDËRRIM DESTINIM TË PRONËS

5. Informatë për ndarjen e bursave.

Hisni Luri thekson:- materialin e keni para vetës dhe nëse keni ndonjë vërejtje apo sugjerim mund të parashtroni.

Sherif Berisha thekson:- ankesë kam prej një qytetari që vajzë së tij ju ka refuzuar bursa edhe pse ka qenë në fakultet të arkitekturës . Kërkoj që të më sjellët lista e studentëve të cilët nuk kanë përfutur bursë. Nëse keni informata për studentët të cilët janë përfutues nga Republika e Maqedonisë na njoftoni.

Hisni Luri thekson:- përfutues i bursës është vetëm një studentë që është në vitin e parë dhe ka qenë kuadër deficitare. Listën e studentëve të cilët nuk kanë qenë përfutues të bursës mund tu a sjelli.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

6. Raporti financiar për periudhën Janar – Mars 2023 i N.P.L “Pastrimi” sh.a.

Kryesuesi thekson:- për këtë pikë të rendit të punës hapi diskutimin.

Sevime Bajrami thekson:-nëse keni ndonjë vërejtje apo sugjerim mund të parashtroni.

Refet Kalisi thekson:- sa ekonomi familjare janë pa kontrata të cilave shërbimet ju bëhen prej kompanisë. Sa borxh i kanë ekonomitë familjare kompanisë

Sevime Bajrami thekson:-borxhi është i paraqitur në raport dhe gjithsejtë borxh i kanë në shumë prej 33 000 €

Sherif Berisha thekson:- cilat lloje të bizneseve janë të obliguar të lidhin marrëveshje me kompaninë. Kompanitë taksi a janë të obliguar me lidhur marrëveshje.

Sevime Bajrami thekson:-gjitha llojet e bizneseve që operojnë në komunën e Hanit të Elezit janë të obliguar me lidh kontratë . Kompanitë taksi nëse e kanë ndonjë zyre janë të obliguar me lidhur marrëveshje.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

7. Raporti i komisionit komunal përfundimtarë për vlerësimin e dëmeve nga fatkeqësitë natyrore dhe fatkeqësitë e tjera.

Kryesuesi thekson:- për këtë pikë të rendit të punës hapi diskutimin.

Abduraman Bushi thekson:- sqarimin e paraqita në fillim dhe diçka të veçantë nuk kam.

Sherif Berisha thekson:- është mirë që të njoftohen edhe fermerët e tjerë të cilët merren me këtë lloj të veprimtarisë të njoftohen me procedurat.

Zaim Bela thekson:- dëmi që është shkaktuar a është i vitit 2022 apo i vitit 2023 dhe sa e ka vlerësuar komisioni dëmin.

Abduraman Bushi thekson:- dëmi është shkaktuar në vitin 2023 dhe raportin e komisionit e keni para vetës dhe si të votohet raporti do ta përcjellim për pagesë.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA RAPORTI KOMUNAL PËRFUNDIMTARË PËR VLERËSIMIN E DËMEVE NGA FATKEQËSITË NATYRORE DHE FATKEQËSITË E TJERA

8. Propozim vendimin për ndarjen e mjeteve financiare për “Ditët e Kulturës dhe Festivalin Mbarëkombëtarë” 2023 në Komunën e Hanit të Elezit.

Kryesuesi thekson:- për këtë pikë të rendit të punës hapi diskutimin.

Hisni Luri thekson:- ideja është që ta zyrtarizojmë së bashku me juve në kuvend këtë festival folklorik mbarë kombëtarë . Materiali është dërguar me vonesë por për shkak të përmirësimeve nga gjendja e kaluar. Për çështjen e festivalit kemi angazhuar persona profesional dhe do të mundohemi në bazë të buxhetit të cilin e kemi për me realizuar. E kemi paraqitur si ditët e kulturës për shkak se java kulturore është vetëm shtatë ditë ndërsa dhe e kemi paraqitur në këtë forum se aktivitetet do të kemi deri në muajin gushtë duke i përfshirë edhe mërgimtarët. Për të gjitha aktivitetet do t'i sjellim në kuvend edhe shpenzimet që do të bëhen për ditët e kulturës. Çmimet nuk i kemi paraqitur për shkak se janë ndryshuar për shkak të inflacionit .

Zaim Bela thekson:-ditët kulturore janë tradicionale por festivalin nuk e kishim lënë tradicional për shkak se ka një kosto të lartë për shkak se e kemi pas lënë panairin dhe pastaj u krijuan telashe sepse duhen mjete financiare për me realizuar.

Sherif Berisha thekson:- për çështje të zërimit është planifikuar shuma 1000 €, ndërsa për sallën e kulturës që është realizuar projekti vlera e zërimit ka qenë 20 000 € dhe pjesa e zërimit që është aty nuk kushton as 1000 € dhe nga ekzekutivi është bërë pranimi teknik për këtë çështje. Mikseta e zërimit që është vendosur nuk e ka vlerën më shumë se njëqind euro dhe kush do që e ka bërë pranimin teknik ka gabuar dhe ne të shkon në përgjegjësi.

Malik Berisha thekson:- janë disa gara dhe të gjitha planifikohen në shkollën fillore me u mbajtur kur e dimë që sall sportive ka edhe fshati Paldenicë dhe fshati Gorancë dhe kemi mundësi me i nderuar.

Kryesuesi thekson:- këtu kërkohen 18,500 € ndërsa këtu janë arsyetuar 12,250 € dhe pjesën tjetër kisha dashur me arsyetuar drejtori dhe në mbledhjet e ardhshme me ma njoftuar për të gjitha shpenzimet që janë bërë . Janë cekur edhe personat të cilët mbajnë rend që do të paguhen dhe për aktivitet e tjera a do të paguhen. Janë paraparë shtatë persona organizatorë a dihen emrat e tyre. Për grupet të cilat vijnë nga lartë a është paraparë çështja e fjetjes.

Hisni Luri thekson:- është e vërtet se ndoshta mund të kemi probleme me mjete financiare nëse mbet festivali tradicional por ja vlen. Sa i përket pranimi teknik nuk kam marr pjesë por ka telashe nga pak po ashtu kemi telashe edhe në funksionalizimin sepse kemi probleme me staf. Propozimi për festivalin është bërë prej personave profesional të cilat i kanë bërë planifikimet, të cilët i kanë bërë planifikimet për akomodim, ndërsa juria është e përcaktuar prej tre personave të cilët janë profesional, ndërsa të tjerët do të jenë prej shoqërisë kulturore artistike dhe prej stafit komunal. Çështjen e sallave e kemi diskutuar por vitin e kaluar kemi pasur telashe për me i bartur nxënësit. Garat shkollore do të bëhen nëpër shkolla ndërsa gara në mundje do të realizohet në qendër.

Refet Kalisi thekson:- festivali është duke u realizuar për herë të parë dhe do ta përkrahë drejtorin dhe besoj që është në favor të Hanit të Elezit.

Hyriete Isufi thekson:- drejtorin e përgëzoj së pari për guximin sepse është një punë bukur e madhe dhe shpresoj do të ketë suksese, ndërsa sa i përket shpenzimeve në fund mundeni me na njoftuar.

Nexhmedin Daci thekson:- zërimi është qendrorë në shtëpinë e kulturës por ky është zërim që bëhet për festivale. Zërimi e ka vlerën ashtu siç e ka pasur në paramasë që është bërë në projekt dhe më detalisht mund të njoftoj në mbledhje të radhës.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA PROPOZIM VENDIMI PËR NDRJEN E MJETEVE FINACIARE PËR DITËT E KULTURËS DHE FESTIVALIN MBARË KOMBËTAR

9. Të ndryshme.

Kryesuesi thekson:- për këtë pikë të rendit të punës hapi diskutimin.

Xhevahir Dernjani thekson:- deri tash dëgjova diskutime të ndryshme po ashtu edhe z.Sherif Berisha por është mirë që të shkon në qeveri dhe të bënë një apel që qeveri ta rregullon rrugën në fshatin Gprancë sepse komuna i ka dhënë kontributet e veta edhe pse rruga është në kompetencë të Ministrisë së Infrastrukturës. U diskutua çështja e festivalit se a do të mundemi me organizuar apo jo por me organizuar një festival në komunën e Hanit të Elezit nuk është diçka e keqe por është mirë për shkak se edhe qytetet e tjera informohen me Hanin e Elezit. Ankesa ka për materialet e ngurta për shkak se i prishin shtëpitë dhe nuk kanë ku me i hedhur. Është mirë që drejtoria për bujqësi së bashku me Labin me dhënë subvencione në vendet të cilat ja vlejnë. Është mirë që të bëhet edhe një rrugë për në fshatin Paldenicë për shkak se me kompaninë “Bektelenka” është lejuar ajo pjesë nëse bëhen rrënimet dhe është mirë që me bërë atë rrugë për fshatin Paldenicë.

Sherif Berisha thekson:-kërkesa ime ka qenë mos me u protestuar në rrugë por para komunës dhe mandej me dal në atë vend dhe me bllokuar rrugën pavarësisht kush është në qeveri por qytetarët të kesin rrugë dhe të ju realizohen qëllimet.

Resul Suma thekson:- nuk e di drejtori i shërbimeve publike se a ka informacione sepse Hani i Elezit nuk ka ujë që tri ditë dhe edhe sa kohë do të lëshohet ajo fabrikë . Po flitet se rruga Gorancë –Globoqicë është e mbyllur deri ku kanë mbërri punët sepse e di që qeveria mund të jep premtime boshe. Ariu në fshatin Krivenik i ka bërë dëm një fermeri dhe ja ka shkatërruar njëzet e një shoqëri të bletëve dhe sipas nenit pesëdhjetë e katër të ligjit për gjueti komuna apo Ministria e Bujqësisë janë të obliguar t i paguajnë dëmet e shkaktuara nga shtazët e egra dhe komuna është mirë me i ndihmuar në përgatitje të dokumentacionit që dëmin me ja paguar Ministria e Bujqësisë.

Arsim Dernjani thekson:- problemi me çështjen e ujit është që dy ditë për shkak të problemeve që i kemi pasur por e kemi rregulluar. Çështja e ujit ju e dini që është projekt i gjerë dhe punët që i kanë takuar komunës i kemi bërë gati por problemi është te pranimi teknik të cilin është dashur me bërë CDI-ja dhe po presim që të bëhet pranimi teknik.

Sevdi Dernjani thekson:-për çështjen e rrugës së Gorancës vazhdimisht kemi bërë kërkesa të vazhdueshme në Ministrinë përkatëse, ndërsa arsyetimi i zëvendës ministrit të Infrastrukturës është që çmimet e kontratës që janë me kompaninë kontraktuese janë rritur për 20% dhe deri në muajin qershor i kanë dhënë afat kompanisë me i kryer punimet . Rruga Hani i Elezit-Gorancë është rrugë regjionale dhe është në kompetencë të Ministrisë së Infrastrukturës

Abduraman Bushi thekson:- dëmet të cilat shkaktohen nga kafshët e egra në bujqësi është obligim i Ministrisë dhe obligim i drejtorisë është vetëm përgatitja e raportit të dëmeve të cilin ja kemi bërë fermerit dhe ka vazhduar me procedura të më tutjeshme.

Kryesuesi thekson:-AMF-ja në fshatin Gorancë a është në funksion . Kërkoj informacion edhe për çështjen e drejtoreshës në QKMF.

Malik Berisha thekson:- a është lidhur kontrata me Karitasin apo kur pritet me ardhur.

Hanumshahe Dibrani thekson:- janë disa drita të ndriçimit publike që nuk janë funksionale.

Refet Kalisi thekson:- te projektet është paraparë një aneks në shumë prej 25,000 € ku është paraprë me u ndërtuar .

Kimete Kuka -Hasallari thekson:- AMF-ja në fshatin Gorancë është funksionale sipas orarit të cilin e kemi paraqitur por për muajin Ramazan orari ka qenë prej orës dhjetëve deri në ora dymbëdhjetë për shkak se pacientët më herët nuk kanë shkuar . Me përjashtim kur ka trajnime dhe ftesa të veçanta në Ministri dhe në pa mundësi me zëvendësuar me staf i njoftojmë qytetarët me kohë . Sa i përket Karitasit procedurat janë duke u zhvilluar me prokurim. Për shkak të rekomandimeve të cilat i kemi pasur prej inspektoratit farmaceutik për barnat me afat skaduar të cilat nuk guxon të jenë jashtë objektit të QKMF-së është parë e nevojshme që ta kemi një depo afër QKMF-së . Drejtoresha ka dhënë dorëheqje nga pozita e drejtorit dhe si mjeke por ne kemi bërë njoftimin sipas procedurave edhe për mjek edhe për pozitën e drejtorit.

Arsim Dernjani thekson:-për çështje të ndriçimit e kemi kontratë dhe është mirë të na njoftoi saktë për dritat të cilat janë prishur.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka shpalli të mbyllur mbledhjen.

Ju faleminderit për pjesëmarrje.

Mbledhja përfundoi në ora 13:31.

Procesmbajtësi
Ayni Bushi



Kryesuesi i Kuvendit
Florim Shkreta